

Վարդապետներից շատերը նկատած են, որ առաւօտեան շարականի վերջին տաղի վերջին խօսքերը երգելու ժամանակ, տարօրինակ մի շնչոց գալիս խառնուած է երգին: Շատերը իրենց գլուխը վեր են բարձրացնում, նայում են չորս կողմը եւ ոչինչ չեն նշմարում, ուրիշները զանազան բացատրութիւններ են տալիս. մտածում են, որ ծառերի խաղաղին է, որ մէկը շարժել է սեղանի ետեւ գրուած ծննդաները կամ դռան ետեւ երեւի բուրվառն են պատրաստում:

Այդ չէ: Հարցը վերջապէս նրանումն է, որ Հայր Առաքելը այդ ժամին՝ շնայած որ բոլորովին աննիւթացած է, բայց տարօրինակ հակասութեամբ ոչ միայն պահում է ամբողջ իր դիմադիւրը, այլ նաեւ իր սեւ, մի քիչ գունատած, վարդապետական զգեստը՝ թեւեր է առնում եւ զանազան կատարին հինգ անգամ շրջելուց յետոյ ճախրում է դէպի ծով եւ ուղղում դէպի հայրենիք:

Եւ նա որ Հայոց աշխարհը երբեք տեսած չէր, հիմա ամէն օր այնտեղ է:

Ամէն օր:

Պատմում են, որ Սիսի շրջակայքում, մի հովիւ տարօրինակ մի երազ է ունեցել: Երազն էլ երազ չէր, որովհետեւ մարդը արթուն էր: Աղքատիկ հովիւ. հինգ ոչխար, երկու կով եւ մի շուն: Նստած էր բլուրի վրայ. ոչխարները հանդիստ արածում էին մօտակայ ձորի մօտ, կովերը նոճիպէս. միայն շունը անհանդիստ ամէն կողմ է վազում, պոչը վեր բարձրացրելով, կանգ առնում, նայում ու նորից վազվազում: Հովիւր վեր է կենում, չորս կողմը նայում, ձեռքը ճակատին դնում դիտում եւ երբ կարծում է որ ոչինչ չկայ եւ ուղում է նրստել, յանկարծ նկատում է, որ մօտակայ քարայրի առջեւ բուննող համեստ թուփերը սկըսում են շարժուել, քարերի վրայ տարօրինակ մի լոյս է ընկել, հով է եւ հով չէ:

Հովիւր աչքերը ճմռում է, ուշադրութիւնը լարում եւ ոտքի կանգնում: Յստակ կերպով տեսնում է, որ քարայրից դուրս է եկել ծերունի մի վարդապետ. նիհար, փոքրահասակ, ձեւմակ մաղեր, երկայն մօրուք, սեւ զգեստ, բայց ամբողջովին լուսաւորուած:

‘Իէմքը մի քիչ դեղնած. մեծ աչքեր՝ դեղին ճրագի նման վառուած:

Հովիւր նայում է ապշած. ձեռքերը բաց անում, կարծես մի բան պիտի գրկի: Ոչխարները դադարում են արածել եւ անվախ մօտենում են տեսիլքին: Կովերը գլուխը վեր են բարձրացնում, իսկ շունը խենթացած փախչում է:

— Հասայր սասուլըր, — կակաղում է հովիւր:

Ուղում է մօտենալ, աջը համբուրել: Անկարելի բան: Լուսաւոր վարդապետը կամաց կամաց հեռանում է եւ այնտեղ, ուր նա սօք է կոխել, փոքրիկ բոցեր են բարձրանում: Անկարող կանգ առնել, հովիւր, թեւերը միշտ բաց, առաջանում է տեսիլքի ետեւից: Ուղում է կանչել. ձայնը սառչում է բերանի մէջ: Ճակատի վրայից պաղ քրտինք է կաթում, ձեռքերը դողում են:

Բայցով լոյսի մօտ բոցավառ հով է վազում: Երկինքը տեւի պայծառ է քան երբեք: Թւում է նրան, որ ամէն ինչ աննիւթացել է, թեւ է առել: Ամէն ինչ սահում է, եւ ոչխարները, որ նոյնպէս գալիս են իր ետեւից, նայում են միամիտ եւ լուսաւոր աչքերով:

Այդպէս քայլում է երկար ժամանակ՝ չդիտել ինչքան՝ մինչեւ որ առջեւ մի խորխորատ է տեսնում, ուր անկարելի է անցնել: Կանգ է առնում դողալով: Տեսիլքը կամաց բարձրանում է, սահում, յետ նայում, ժպտում ու անհետանում: Այդ ժպտը իր կրծքին սեղմած, հովիւր երկար թափառում է, մինչեւ որ ճանապարհը դառնի եւ դիւղ է հասնում շատ ուշ:

Պատմում է:

— Բօշբօշ բաներ մի՛ լսեր, — պատասխանում են դիւղացիները, — խակ պտուղ ես կերեր, սաթլճան ունիս, դնա պառկիր:

Բայց տեսիլքը ման է գալիս ամէն տեղ: Ամբողջ Հայաստանում: Նոյն օրը եւ դրեթէ նոյն ժամին նրան տեսնում են Սարբերդի վերի մասում, Վանից կէս ժամ հեռաւորութեան վրայ, Արփանի կատարին, Իրզրումից Տրապիզոն տանող ճանապարհում, Զուարթնոցի աւերակների վրայ, Արեւային Ղարաբաղում:

Դժուար է ժողովել բոլոր վկայութիւնները: